



PORTAVÓS VI GOVERN U KONSTITUSIONÁL



KOMUNIKADU BA MEDIA

Díli, Loron 19 fulan-outubru tinan 2016

Governu partisipa iha Konferénsia Nasionál kona-ba Auditoria Sosiál

Iha loron 19 fulan-outubru, membru Governu sira no representante sira husi instituisaun Estadu nian no mós organizasaun Sosiedade Sivil nian partisipa iha Konferénsia Nasionál kona-ba Auditoria Sosiál, ne'ebé hala'o iha Salaun Nobre Ministériu Negósius Estranjeirus no Kooperasaun, iha Díli. Konseitu Auditoria Sosiál, Governu Konstitusionál VI adota nu'dar buat Governu ne'e maka hahú, iha tempu simu pose, iha loron 16 fulan-fevereiru tinan 2015. Lihusi ida ne'e, Governu buka atu hetan inkluzsaun sosiál husi sidadaun hotu-hotu, dezenvolve parseria no promove responsabilizasaun iha matéria governasaun nian, liuhusi servisu públiku ne'ebé eficiente no efikas liután.

Auditoria Sosiál hanesan espasu ida ne'ebé maka ema bele dehan sai sa'ida maka sira hanoin kona-ba oinsá servisu públiku sira hala'o sira-nia knaar, no iha ne'ebé Governu rona e responde ba opiniaun sira ne'e. Konferénsia Nasionál ne'e hanesan oportunidade ida atu hare fila-fali progresu husi Auditoria Sosiál no atu buka dalan atu haluan no hadi'a rezultadu sira, iha abordajen ida tuirmai.

Iha ninia diskursu, Primeiru-Ministru, Rui Maria Araújo, halo konvite ida ne'ebé durante ne'e seidauk halo: "Governu hakarak estabelese parseria ida iha ne'ebé Sosiedade Sivil, Organizasaun Naun-Governmentál (ONG) no meu komunikasaun sosiál sira bele iha partisipasaun ida ne'ebé ativu liután, liuhusi buat ida ne'ebé maka koñesidu liu ho naran Auditoria Sosiál, iha ne'ebé maka indikadór sira kona-ba asaun Governu nian hetan revizaun ho didi'ak, ho imparcialidade no responsabilidade ne'ebé maka'as liután, hodi dezeja katak, liuhusi serbisu hamutuk, ita bele fó servisu sira ne'ebé di'ak ba ita-nia povu."

Bainhira ko'alia ba partisipante sira, Primeiru-Ministru dehan dala fila-fali katak nia fiar iha prosesu ne'e, hodi hateten katak "Bainhira ita ida-idak, Governu no Sosiedade Sivil hala'o ita nia serbisu iha matéria Auditoria Sosiál nian, ita fó kontribuisaun ne'ebé loloos ba ita-nia país no ita-nia povu nia moris di'ak.

Iha loron Governu nia loron 100 dahuluk, FONGTIL – Forum ONG Timor-Leste nian, organizasaun independente ne'ebé halibur ONG nasional no internasionál sira Timor-Leste nian – iha ona Memorandu Entendimentu ida ne'ebé asina husi Primeiru-Ministru no Diretór Ezekutivu FONGTIL nian, Arsénio Pereira da Silva, iha loron 25 fulan-maiu tinan 2015. Iha Memorandu Entendimentu ne'e maka define dalan ba ezekeusaun Auditoria Sosiál iha Timor-Leste, iha setór-xave haat: agrikultura, edukasaun, saúde no infraestrura bázika sira. Kria ona mós unidade Auditoria Sosiál ida iha Gabinete Primeiru-Ministru nian, atu fasilita parseria foun ne'e, ne'ebé koordena husi Edio José Maria Guterres, Ofisial Ligasaun Primeiru-Ministru nian ba Asuntu sira Sosiedade Sivil nian.



Agio Pereira

+670 7723 0011

agio.pereira@cdm.gov.tl

govtlmedia@gmail.com

www.timor-leste.gov.tl

Konferénsia laron 19 fulan-outubru nian halibur ONG nasional lubun ida, iha ne'ebé hala'o auditoria sosial iha fatin oin-oin iha nasaun laran no iha setór barak ne'ebé la hanesan mós. Iha konferénsia hirak ne'e ko'alia kona-ba siklu auditoria sosial, ferramenta no metodolojia, rezultadu to'o ohin laron nian no dezafiu sira. Representante sira husi Instituisaun Estadu sira, inklui Komisaun Anti-Korrupsaun, Provedór ba Direitus Umanus no Justisa no Inspesaun-Jerál Estadu nian, haforsa entendimentu ne'e, bazeia ba sira-nia esperiénsia rasik. Koordinadór Unidade Auditoria Sosial, lori Governu nian naran, halo apresentasaun ida-ne'ebé husik klaru kona-ba oinsá Governu no Sociedade Sivil bele kompleta malu di'ak liután.

Portavós Governu nian, Ministru Estadu Agio Pereira, hateten katak "husikedas tempu ne'ebé nia hahú serbisu, Governu Konstitusionál buka ona atu promove inkluzividade no parseria, tanba hatene katak, atu sai efikás liután, dezvoltamentu nasional tenke envolve ita hotu. Konferénsia Nasional ne'e destaka kona-ba empeñu Governu nian iha prinsípiu ne'e no hatudu susesu iha inísiu Auditoria Sosial nian, hamutuk ho vontade atu kontinua hadi'ak liután prosesu sira atu serbí ho di'ak liután povu Timor-Leste". **REMATA**



Agio Pereira

+670 7723 0011

agio.pereira@cdm.gov.tl

govtlmedia@gmail.com

www.timor-leste.gov.tl